

INUIT ATAQATIGIIT

Inatsisartuni



18. august 2023

UKA2023/45

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Najugaq qimannagu isumaginninnermi siunnersortitut ilinniarfimmik pilersitseqqullugit Naalackersuisut peqquneqarnissaannik Inatsisartut aaliangiiffigisassaattut siunnersuut.

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Nunatsinni politikimik soqutigisaqartuusut tamaasa sinnerlugit, kukkussagunangilanga imatut oqassaguma; ilinniarsimassuseq tassaasoq inuttut nammineernerulernissamut kiffaanngissuseqarnerulernissamut imminullu pilersorsinnaalernissamut aqutissaq pitsaanerpaasoq. Timikkut tarnikkullu peqqinnarnerpaajusoq; Nunatta siunissaa pisariaqartitaalu.

Ilinniarsimassuseq tassaavortaaq Nunatta pitsaasumik siuariartornissaanut, Nunattalu imminut pilersornerulernissaanut, kiffaanngissuseqarnerulernissaanut namminiilivinnissaanullu aqutissaasoq pitsaanerpaajusoq, pinngitsoorneqarsinnaanngitsoq, pingaaruteqarluinnaqqissaartuusorlu.

Ullulli makku tikissimavavut, nunaqqatitta isumaginninnikkut ikorfartoriaqartut akornanni, pitsaasumik sullinneqarnissaanut assavut naammakkunnaarsimmata. Tamaanga killiffeqarnitta sutigit tamatigit kalluarpaatigit. Assannik kissalaartunik sulisussaqarniarnikkut unammilligassarpasuaqalersimalluta; allaalluunniimmi kommuunit, uagut inatsisiliarisimasatsinnik malitsitsiniarlutik inuttalersuinianermi ilungersortuartariaqalersimallutik.

Ukiuni kingullerni Perorsaanermik Ilinniarfik Ilulissaniittoq aqutigalugu isumaginninnikkut ikiortitut perorsaanikkut ikiortitut aammalu isumaginninnikkut siunnersortitut ilinniarsinnaaneq pitsanngorsarneqarlunilu ineriartortinneqarsimavoq.

Ilinniartitaanerup iluani alimasissumit ilinniartitsineq ilinniarfinit inerisarneqarlunilu piorsarneqarpoq, minnerunngitsumillu isumaginnikkut ikiortinngorniarsinnaaneq aammalu perorsaanikkut ikiortinngorniarsinnaaneq allaat najugaq qimannagu aamma ilinniarneqarsinnaalersimalluni.

Taamaattorli paasisatta ilagaat isumaginninnermik siunnersortinngorniartarneq najugaq qimannagu ilinniarneqarsinnaanngitsoq. Tamanna Naalackersuisut §37, 104/2023-mi akissutaanni erserpoq¹.

Tamanna uggornarpoq ajuusaanarlunilu. Pissutigalugu isumaginninnermik ikiortinngortartut aammalu perorsaanermik ikiortinngortartut amerlasuut meeqqiulereerlutik ilinniakkaminnik naammassinnittarput, immaqalu amerlanerpaartaat isumaginninnermut siunnersortitut ilinnialerusukkaluarlutik aallartissinnaaneq ajorput, meeqqatik ilaquuttatik suliffitsillu qimakkusuppallaannginnamikkut, minnerunngitsumillu ilinniartut inissaaleqisinaanerat aamma pissutigalugu.

Taamaattumik isumaqarnarpoq, ilaqtariinnguanut taakkununga aammalu qaffassarusukkaluartunnt, najugakkaminnilli qimatsisinnaannginnertik pissutigalugu qaffarsinnaanngitsunut, najugaq qimannagu ilinnialersinnaanerannik aqutissiuussisinnaaneq periarfissatsialaasoq isumassarsialsialaasorlu.

¹ [104_2023_decentral_socialraadgiveruddannelse_PPOL_akissut_\(ina.gl\)](#)

Naalackersuisut §37, 104/2023-imut akissuteqaataanni ²erserpoq ilinniakkap pitsaassutaa eqqarsaatigalugu erseqqissumik aningaaanut kingunissaat akissutigisinnaanagit. Matumanili Inatsisartut aalajangerneratigut aallartitsinissamik siunertamik peqquneqarnermikkut aningaasatigut kingunissaat ersarississasut naatsorsuutigaara.

Taamaattumik tamanna tunngavigalugu matumuuna siunnersuutigaara najugaq qimannagu isumaginninermi siunnersortinngorniartalersinnaanerup periarfissaalernissaa.

Pissarsiffiulluartumik angusaqarfiulluartumillu oqallittoqarnissaanik kissaassillunga

Qujanaq

Pisortanut aningaasatigut allaffissornikkullu kingunerisassai:

Ilinniakkami allami misilittakkat takutippaat najugaq qimannagu ilinniakkamut ukiumut aningaasartuutit 1,5 aamma 2,5 mio. kr.-t akornanniissinnaasut missiliussagaat, tamanna Naalackersuisut §37, 17/2023-imut akissuteqaataanni erserpoq³.

Namminersortunut aningaasaatigut allaffissornikkullu kingunerisassai:

Soqanngilaq.

Innuttaasunut aningaasatigut allaffissornikkullu kingunerisassai:

Soqanngilaq

² [104 2023 decentral socialraadgiveruddannelse PPOL akissut.pdf \(ina.gl\)](#)

³ [017 2023 socialraadgiver PANERO akissut.pdf \(ina.gl\)](#)